

## **Passimik pilersitsinermi inussat ipaasa qarasaasiakkut assilinerannut akitsuutip iluarsiiviginera pillugu nalunaarut**

Danskit naalagaaffianni innuttaasut il.il. passii pillugit inatsimmi § 4b, imm. 2, tak. inatsimmik nalunaarut nr. 900, 8. september 2008-meersoq, inatsisikkut nr. 613, 14. juni 2011-meersukkut allangortinneqartoq peqqussutikkullu nr. 163, 26. februar 2013-imeersukkut Kalaallit Nunaanni atuutilersinneqartoq naapertorlugu makku aalajangersarneqarput:

§ 1. Danskit naalagaaffianni innuttaasut il.il. passii pillugit inatsimmi § 4b, imm. 2 malillugu peqqussutikkut nr. 163, 26. februar 2013-imeersukkut Kalaallit Nunaanni atuutilersinneqartumi aningaasat inatsimmi § 4b, imm. 1-imi najoqqutassami taaneqartut akit akissarsiallu tamanut atuuttut Finansministereqarfimmit annertussusilerneqartut ukiumut ataasiartumik januaarip aallaqqaataani iluarsiivigineqassapput. Tassani aningaasat pilersut koruunimut qaninnermut akunnaallisinneqassapput.

*Imm. 2.* Ukiumi aningaasanut inatsiseqarfimmi 2016-imi akit akissarsiallu tamanut atuuttut aningaasartaat 0,1 procentiuvoq ukiumi aningaasaliiffiusumi 2015-imi qaffasissutsip iluarsiivigineqarnera ilanngullugu.

§ 2. Inatsimmi § 4b, imm. 1-imi aningaasat taaneqartut 25 kr.-iupput.

§ 3. Nalunaarut manna atuutilerpoq 1. januar 2016.

*Imm. 2.* Tamatumunnga peqatigitillugu passimik pilersitsinermi inussat ipaasa qarasaasiakkut assilinerannut akitsuutip iluarsiivigineqarnera pillugu nalunaarut nr. 143, 5. februar 2015-imeersoq atorunnaarsinneqarpoq.

*Justitsministereqarfik, ulloq 15. december 2015*

SØREN PIND

/ Andreas Emil Christensen